

《佛說無量壽經》 補充講表

◎附表二十四：以下糅合《佛說無量壽經甄解》

○生彼國者，皆悉住於正定之聚。

◎第十一願、住定證滅

設我得佛，國中天人，不住定聚，必至滅度者，不取正覺。（聚即聚類。）

※蕩益大師於《大乘起信論裂網疏》卷四指出：「統論眾生，有三種類：

一、邪定聚：謂未種出世善根，不信出世正法。

二、正定聚：謂發心已上，永不退轉。（即發三種心：一者直心：正念真如法故。二者

深心：樂集一切諸善行故。三者大悲心：欲拔一切眾生苦故。）

三、不定聚：謂已種出世善根，信出世法；然於三乘法中，未有決定趣向也。

◆若小教中，證須陀洹，便名入正定聚。（約成就聖道的修行立場來分）

◆深信業果者，總明善根所依也。行十善道者，世間善根力也。厭生死苦者，出世善根力也。求無上覺者，出世上上善根力也。此三善根，前不具後，後必具前。」

○諸有眾生，聞其名號，信心歡喜

※蕩益大師於《大乘百法明門論直解》云：「信者，於實德能，深忍樂欲，心淨而為體性；對治不信，樂求善法而為業用。謂於諸法實事理中，深信其為實有而隨順忍可。復於三寶真淨德中，深信而生喜樂。又於一切世出世善，深信其有力，能得樂果，能成聖道，而起希望之欲。由斯對治不信實德能之惡心，愛樂證修世出世善。」

○其有至心願生彼國（以下糅合善導大師《觀經四帖疏》）

※善導大師於《觀經四帖疏》卷第四云：「

一者、至誠心：至者，真；誠者，實。欲明一切眾生身口意業，所修解行，必須真實心中作。不得外現賢善精進之相，內懷虛假。

二者、深心，即是深信之心也。亦有二種：

(一者)、決定深信自身現是罪惡生死凡夫，曠劫已來，常沒常流轉，無有出離之緣。

(二者)、決定深信彼阿彌陀佛四十八願攝受眾生，無疑無慮。乘彼願力，定得往生。」

三者、迴向發願心：言迴向發願心者，過去及以今生身口意業所修世、出世善根，及隨喜

他一切凡聖身口意業所修世、出世善根，以此自他所修善根，悉皆真實深信心中；迴向願生彼國，故名迴向發願心也。又迴向發願願生者，必須決定真實心中，迴向願作得生想。

又云：「又言迴向者，生彼國已，還起大悲，迴入生死教化眾生，亦名迴向也。」

○其上輩者，捨家棄欲，而作沙門，發菩提心，一向專念無量壽佛，修諸功德，願生彼國。

※《佛說四十二章經》·第三章云：「佛言：剃除鬚髮，而為沙門。受道法者，去世資財，乞求取足；日中一食，樹下一宿，慎勿再矣！使人愚蔽者，愛與欲也。」

○發菩提心：發起上求佛道，下化眾生之心。「忘失菩提心，修諸善法，謂諸魔業。」

※《大懺悔文》云：「我今發心，不為自求人天福報，聲聞緣覺，乃至權乘諸位菩薩，

唯依最上乘，發菩提心，願與法界眾生，一時同得阿耨多羅三藐三菩提。」

*約淨土宗的角度

※《大乘起信論裂網疏》卷第六云：「為度眾生求生淨土，非為自身獨出生死。有此菩提

弘願，方是往生正因。不然，縱令念佛菩薩，與佛菩薩氣分不相契合，不能生淨土也。」

一、曇鸞大師《往生論註》云：「此無上菩提心，即是願作佛心。願作佛心者，即是度眾

生心。度眾生心者，即攝取眾生生淨佛國土心。」

二、善導大師於《觀經四帖疏》卷第四云：「次就上品下生位中，……唯發一念厭苦，樂

生諸佛境界，速滿菩薩大悲願行，還入生死，普度眾生，故名發菩提心也。」

三、蕩益大師於《彌陀要解》云：「具此深信，方能發於大願。深信發願，即無上菩提。

合此信願，的為淨土指南；由此而執持名號，乃為正行。」